

Toletana Decimarum.

Reu. Pater. S^{AN}ctimoniales Clausæ Monasterij Ordinis S. Dominici Ciuitatis Tolētī supplicānt huic Supremo Auditorio pro noua Audientia aduersus vnicam decisionem editam in hac tertia, & vltima Instantia, quam sperant ex consueta benignitate obtinere, tūm quia decisio est vnica, tūm quia versamur in tertia, & vltima Instantia, itaut Monialibus alijs non super sit recursus, quo casu ex benignitate Sacri Tribunalis concedi consuevit noua Audientia, tūm etiam quia in hac Instantia ex Parte Aduersariorum fuit productus titulus exemptionis à solutione decimarum, qui non fuit nisi in præcedenti propositione discussus, tūm denique quia fundamenta contrariæ decisionis in facto non subsistunt, ad quem effectum facti seriem præmittendam duxi.

Constat enim ex facti documentis in hac tertia Instantia compulsatis, & productis ex parte Reuerendissimi Archiepiscopi, & Capituli Toletani, & consortium in decimarum participatione, quod era 1402., siue anno Christi 1364. ad Instantiam, & supplicationem Serenissimi Regis Hispaniarum concessa fuit Prouinciali Ordinis Sancti Dominici licentia construendi in Ciuitate Toletana, & pro honore d. Ciuitatis Monasterium Monialium Clausarum in Domibus Agnetis Garziæ per Archiepiscopum, & Capitulum d. Sanctæ Ecclesiæ, ita tamen vt Moniales in dicto Monasterio includendæ esse deberent exemptæ à solutione decimarum quoad fructus bonorum valoris 25. m. merapetinorum monetæ tunc currentis, prout sunt verba Priuilegij tunc concessi, vt ex secundo Summario Additionali num. 1. litt. II., & litt. KK. ibi = *Che le Monache Religiose di detto Monasterio Et. debbano sempre compitamente pagare quel che appartiene, & appartenesse toccante alle decime Ecclesiastiche di tutti li frutti di tutte le Possessioni, che fussero Decimali, ed ognuna di quelle, che ora hanno, & auessero in appresso in qualsiuoglia maniera &c. &c. che nõ ottenghino per se, ne per altra persona priuilegio ne libertà di non dare le dette Decime; Et in caso che ottenessero diuersamente ò dal Papa, ò da alcun altro, che gle lo dasse di suo proprio moto, e volontà, che non vñso di tale Priuileggio; E che non paghino Decime di QUELLE POSSESSIONI, che saranno nominate, e specificate al tempo, che si porranno in Clausura, QUALI POSSESSIONI HANNO DA ESSERE DELLA QVANTITÀ, E VALORE DI VENTICINQUE MILA MARAVIDIS DI QUESTA MONETA VSVALE, CHE ORA CORRE, ED HANNO DA ESSERE APPREZZATE, E NOMINATE COLLA VOLONTÀ, E CONSENSO NOSTRO, ò di quello, ò quelli alli quali noi daremo l'incombenza &c.*

e questo per far bene, ed elemosina al Monasterio sudetto
Cum supradictis itaque conditionibus, & causis Reuerendissimi Archiepiscopus, & Capitulum ad supplicationem Regis Hispaniarum concesserunt Monialibus exemptionem à solutione Decimarum Ecclesiasticarum limitatam, scilicet ex fructibus Bonorum, quæ ascenderent ad summam 25.m. merapetinorum moneta tunc currentis, quæ bona deberent aestimari de consensu Archiepiscopi & Capituli, seu ab ipsis deputandorum, vt ex verbis superius transcriptis apparet.

In vim dictæ licentiæ constructum fuit in Ciuitate Toletana Monasterium in ædibus Agnetis Garziæ Fundatricis, quo constructo, & perfecto, dicta Fundatrix assignauit pro dote illius totum Tenimentum, quod possidebat in Perobequez, & duas magnas Vineas, quas possidebat in Territorio Toletano, cumque Ministri Reuerendissimi Archiepiscopi, & Capituli deputati pro Decimarum exactione prætenderent exigere Decimas ex fructibus, quos Moniales colligebant ex dd. Tenutis in dotem assignatis, recursum habuerunt ad Reuerendissimum Archiepiscopum, & Capitulum era 1412., scilicet anno Christi 1378. decem annis post concessam licentiam edificandi Monasterium, & narratis molestijs, quæ ipsis inferebantur super decimarum solutione, & allegando concessionem d. exemptionis ipsis Monialibus concessam pro bonis vsque ad summam 25.m. merapetinorum, quod ipsæ non adhuc tot bona possiderent, quæ ad dictam quantitatem ascenderent, supplicarunt, vt procederetur ad dictorum bonorum aestimationem, & proinde Reuerendissimum Capitulum delegauit duos Canonicos d. Sanctæ Ecclesiæ, vt procederent ad aestimationem bonorum, quæ tunc Monasterium quocumque titulo possidebat, d. 2. Summ. Additionali num. 2. litt. A.B., & C. quam deputationem deinde confirmauit Reuerendissimus Archiepiscopus d. num. 2. litt. E., & sequentibus, & dd. Canonicis commiserunt ibi = *Et concedimus nostrum posse legitimam vt videatis, Et sciatis ad quam summam ascendant hereditates, & bona, quæ dd. Moniales habent, Et tenent, tam titulo emptionis, quam donationis, Et ea aestimare faciatis an valeant dd. 25.m. merapetinis, Et si plures valerent, mandetis vt soluant, Et soluere teneantur dd. Moniales Decimas EX FRUCTIBUS BONORUM, QUÆ POSSIDENT VLTRA DICTAM QUANTITATEM, Et si minori pretio valerent volumus, Et mandamus, vt obseruetur gratia, Et merces, quas dictus Dominus Archiepiscopus, Et nos fecimus vsque ad dictam quantitatem; Ex cuius tenore liquidissimò constet, quod Moniales debent frui, & gaudere exemptione à solutione Decimarum ex fructibus Bonorum, quorum valor excedit summam 25. mil. merapetinorum, quæ tunc currebat in Ciuitate Toletana.*

proceſſerunt dd. delegati ad æſtimationem bonorum; quæ Monasterio fuerunt in dotem assignata, & tunc dd. delegati comperierunt, quod Moniales possidebant totam hereditatem, quæ ad illas pervenit in Perobezquez, & suis terminis dicto secundo Summario additionali num. 2. litt. M., quæ Tenuta fuit æſtimata 12. mil. merapetinis monetæ tunc currentis d. litt. M., possidebant duas conspicias Vineas in Territorio Toletano vnam in loco nuncupato Almiradiel, quæ fuit æſtimata 5500. merapetinis, & aliam Vineam in eodem Territorio æſtimatam bis mille merapetinis dicto Summario num. 2. litt. M., & quas quidem Vineas Moniales non amplius possident, cumque valor dd. bonorum non ascendebat ad summam 25. mil. merapetinorum, sed dumtaxat ad summam decem, & novem mille, & quingentum merapetinorum, & proinde præcitati Canonici delegati iuxta formam commissionis, & delegationis specialis, quam habuerunt ab Archiepiscopo, & Capitulo, declaraverunt, quod ex quo Moniales non adhuc possiderent bona, quæ ascenderent ad valorem 25. mil. merapetinorum, non tenebantur solvere decimam, ut ex dicto Summario additionali num. 2. litt. O. ibi = *Quæ omnia dd. bona, & hereditates reperiuntur ascendere ad summam 19. mil. merapetinorum istius dictæ monetæ, quæ nunc utimur, & postmodum ipsi comperierunt quod dictum Monasterium, & Moniales non habent, neque possident alias hereditates, neque bona, quàm supradicta, quæ dedit dicta Agnes Garzia, quæ adhuc non ascendunt ad summam supradictam, quæ habere debent exempta, ut supra dictum est: Quodque illæ, pro dd. bonis, & hereditatibus supra descriptis, quæ nunc habent, non debent, neque tenentur solvere decimam, & inferius litt. O. ibi = Et hac ratione dabant, & dederunt pro liberis, & exemptis dd. Moniales, & Monasterium à solutione decimarum, ex fructibus hereditatum, & bonorum supradictorum, quæ nunc possident.*

Cum autem ista exemptio concessa per Archiepiscopum, & Capitulum in limine foundationis fuit personalis tamquam principaliter concessa, seu directa Monialibus pro bonis vsque ad dictum valorem, quo casu exemptio dicitur personalis, & non fuerunt principaliter exempta bona, hinc est, quod dicta exemptio licet suffragetur Monialibus si propriis sumptibus colant dd. bona, non tamen d. exemptio extenditur ad Colonos partiaros dd. bonorum, & multo minus ad Conductores, & proinde tam Colonos Partiaros, quam Conductores solvere tenentur Decimas Decimatori vniuersali iuxta *Gloss. magistral. in clem. 1. verb. exsolendas versic. de decimis ubi querit*, quod si aliquibus concedatur exemptio indefinita à decimarum solutione, an ista exemptio extendatur ad Colonos partiaros, & dicit esse inspiciendum Privilegium: Nam si exemptio concessa sit Personis, tunc tamquam personalis non extenditur ad Colonos, si verò est concessa bonis, tunc exem-

exemptio dicitur realis, & extenditur ad Colonos, & conductores quam glossam communiter sequuntur *Canonistæ super d. Clem. nempè Card. num. 22., Abb. num. 10., Ancharan. num. 6., Imol. num. 14., Vitalin. num. 29., Barbof. in collectaneis ad d. Clem. num. 4., Azor. institut. Moral. par. 1. lib. 7. cap. 37. quæst. 7.*, indiuidualiter *Rot. decis. 23. num. 5. par. 2. diuers.*, ad hoc enim, vt exemptio dicatur Realis, & transitoria ad Colonos, & Conductores, oportet, vt principaliter priuilegium eximat Terras, seu Prædia, vt pluribus, & infinitis autoritatibus adductis probat *Rot. dicta decis. 23. num. 6. par. 2. diuers.* ibi = *Tunc enim esset remissio Realis transitoria ad Colonos, seu Censuales, quando respiceret ipsas Terras, seu Prædia, tunc enim priuilegium exemptionis decimarum dicitur reale, quando enim Terras, seu Prædia, = vt dicunt glossi. &c. ubi infinitas allegat autoritates, quinimò subiungit ibi Rota num. 7., quod indubio exemptio à solutione Decimarum non debet censerī Realis, sed personalis tamquàm minus præiudicialis Episcopo, & proinde in dicto casu declarauit Rota, quòd quædam concordia stipulata inter Episcopum, & ordinem militarem inducebat exemptionem personalem fauore Commendatarium, quodque tamquàm personalis, & Personis concessam non extendebatur ad Conductores, & Colonos, qui decimas soluere tenebantur; Sed quòd Equites esse deberent exempti quotiès bona Commendarum proprijs sumptibus colerent, vt ex *d. dec. 23. n. 7.**

Quòd autem in casu nostro exemptio fuerit personalis, & non realis, non solum liquet ex dicto titulo exemptionis exaduerso producto, ex quo apparet exemptionem fuisse Monialibus concessam pro bonis vsque ad valorem 25. mil. merapetinorum, & sic tamquàm concessa fauore Personarum dicitur personalis, sed etiam constat ex declaratione exemptionis facta per delegatos, in qua post æstimatam Tenutam de Perobezquez dd. delegati non declararunt Tenutam de Perobezquez exemptam, sed declararunt Moniales exemptas à solutione decimarum fructuum, quos ex dicta Tenuta colligerent dicto secundo Summario additionali num. 7. litt. O. ibi = *Quodque illa pro dd. bonis, & hereditatibus supra descriptis non debent, neque tenentur soluere decimas, = & litt. P. ibi = Et hac ratione dantur, & dederunt pro liberis, & exemptis dd. Moniales à solutione decimarum ex fructibus hereditatum, & bonorum supradictorum = ita ut non fuerunt declarata exempta bona, sed Personæ, & proinde est personalis, & non Realis, & pro personali semper dicta exemptio habita, & obseruata fuit, nam Moniales semper fuerunt exemptæ à solutione Decimarum præsertim dictæ Tenutæ de Perobezquez æstimatæ in limine foundationis solum quoad illam partem, quam proprijs expensis colebant, sed Coloni partiarij, seu Conductores d. Tenutæ semper Decimas persoluerunt, vt deposuerunt*

Testes

Testes examinati anno 1642., & anno 1702., de quibus in nostro
Summ. principali n. 1., & 3.

His ita præmissis, cum ex bonis æstimatis Anno 1378., Moniales
nunc possideant solum Tenuitiam de Perobezquez æstimatam 12.
mil. Merapetinis, hinc est, quod cum Moniales sint exemptæ
pro bonis vsquæ ad valorem 25. mil. Merapetitorum, utiquæ de-
bent esse exemptæ à solutione Decimarum pro tot alijs bonis, quæ
ascendunt ad valorem 13. mil. Merapetitorum, ita ut ex dicta
productione tituli facta ab Aduersa Parte, quem validum, & effi-
cacem esse firmavit hoc Supremum Auditorium in contempora-
nea fauorabili Decisione, nulla cadere potest alia inspectio, nisi,
an bona, quæ semper Moniales excoluerunt proprijs expensis, &
ex quibus decimas à tempore Immemorabili non persoluerunt, &
quæ prætendunt esse exempta excedant nec nè d. valorem 13. mil.
Merapetitorum, nam si d. summam non excedunt, non possunt com-
pelli ad decimarum solutionem.

Quamuis autem verum sit, quod Moniales possident conspicuas Te-
nuitas, & Tenimenta in Territorio de Vrtada, in Territorio de
Oleas, in Territorio Vallis Sancti Dominici, Xerindote, Alca-
bon, & Magan, nihilominus Moniales non prætendunt exemptionem,
quoad omnia dd. Tenimenta, sed dumtaxat quoad mini-
mam illorum partem, quam constanti methodo, & continuatis an-
nis semper colere consueuerunt proprijs expensis, nempe ex Tenui-
ta de Vrtada, quæ constituitur dumtaxat ex 50. fanegis iuxta
probationem exaduerso factam, de qua in dicto nostro secundo
Summario Additionali Num. Primo litt. C.C.C., ex qua Moniales
non teneri ad decimarum solutionem decernitur in contemporanea
fauorabili decisione.

Ex quatuordecim Tenimentis, quæ possidet Monasterium in Terri-
torio Villæ de Oleas quorum singula constituuntur ex 40. fanegis
præterdit Monasterium solum exemptionem, quoad vnicam Te-
nuitam 40. fanegarum, quam semper coluit proprijs expensis Mo-
nasterium.

Et licet in alijs Territorijs scilicet *Vallis Sancti Dominici, Magan,*
Xeridote, & Alcabon conspicua Tenimenta possident, nihilomi-
nus non præterdit exemptionem nisi quoad Oliueta, quæ semper
coluit proprijs expensis, ut in propositione causæ plenè probauimus;
De conspicuis vero Tenimentis, quæ semper locare
consuevit, nullam nostrum Monasterium exemptionem præ-
terdit.

Debent enim Reuerendissimi PP. sedulo perpendere, & considerare:
Quod Moniales nostri Monasterij continuata annorum serie sem-
per coluerunt dicta Oliueta, & dictam Tenuitiam 40. fanegarum
in loco de Oleas, & perpetua semper serie cætera bona conspicua
quantitatis, quæ in Territorijs dd. locorum possidet, locauit,

nec vnquàm locauit Tenimenta, & Oliueta, quæ continuata annorum serie proprijs expensis coluit, & è conuerso nunquàm proprijs expensis coluit cætera Tenimenta, sed ea semper locauit, ex hoc enim discretiua modo colendi aliqua Tenimenta semper, & continuata serie annorum proprijs expensis, & ex illis decimam non persolvere, & è conuerso ex continuata serie annorum locandi cætera Tenimenta, prout distinctè deposuerunt nostri Testes super interrogatorijs Partis Aduersæ, ex quibus à colonis, & conductoribus semper soluta fuit decima, satis superque inducitur præsumptio, quod dd. bona semper culta expensis Monasterij, & ex quorum fructibus Moniales nunquàm soluerunt decimam fuerint æstimata, & comperta illorum valorem non excedere summam tresdecim mille Merapetinorum, quæ deficiunt pro complemento nostræ exemptionis: Non enim permisissent Archiepiscopus, Capitulum, & alij Decimarum comparticipes, qui tantæ potentia, & autoritate pollent in Ciuitate, & Diocesi Toletana, vt satis notum est, nequè tolerassent, vt Moniales non soluerent ex dd. bonis Decimas, si illa excederent valorem 13. mil. Merapetinorum; Præsertim quia cum Moniales sint Reæ, & possesores debent releuari à quocumque onere probationis *Leg. si possidetis Cod. de probat. leg. cogi, vbi Doctores Cod. de per. hered. Rot. coram Coccin. decis. 278. num. primo coram Caualler. decis. 362. num. 2., & in Recen. decis. 476. num. primo, & 6. part. prima, & decis. 319. num. 4., & decis. 698. num. primo part. 2., & decis. 460. num. 11., & 510. num. 13. part. 19. Recen.*, adeo ut cum Reuerendissimi Archiepiscopus, & Capitulum, alijque comparticipes non probauerint, quod bona, quæ Monasterium nostrum prætendit exempta excedant summam 25. mil. Merapetinorum, Moniales absolui debent tanquàm Reæ, & possesores à solutione Decimarum *Leg. 2. Cod. de probat., leg. qui accusare Cod. de edendo, & passim apud Doctores.*

Et ad summum prætendere possunt Reuerendissimi Aduersarij, quod procedatur ad dictorum bonorum æstimationem, & deputentur Periti, tam super valore Merapetinorum, qui currebant de tempore concessionis, quàm super valore dictorum bonorum, & si compertum fuerit, quòd vltra Tenutam de Perobez, æstimatam 12. mil. Merapetinis, dicta Tenuta de Oleas, & dicta Oliueta, ex quibus dumtaxat Moniales prætendunt exemptionem personalem à Decimarum solutione excedant valorem aliorum 13. mil. Merapetinorum, tunc Reuerendissimi Aduersarij Decimam prætendere possunt ex ea parte, quæ dictum valorem excedit, prout specificè in titulo, & priuilegio cautum fuit, & præsertim ex *Summario num. 2. litt. C. ibi = Et si plures valerent, mandetis, vt soluant & soluere teneantur d.d. Moniales Decimas ex fructibus bonorum, quæ*

quæ possident ultra dictam quantitatem, scilicet 25.mil. Merapetitorum.

Non possunt enim Moniales adeò absolute condemnari ad Decimarum solutionem ex omnibus Tenimentis, quæ possident contra formam tituli clari, & validi exaduerso producti, ex quo constat quod Moniales debent esse exemptæ à solutione Decimarum ex fructibus bonorum, quæ ascendunt ad summam 25.mil. Merapetitorum, sed quoad bona, quæ dictum valorem non excedunt, non debent condemnari ad Decimarum solutionem, quoties habemus titulum clarum, validum, & spatio ferè quatuor sæculorum obseruatum, & iam ab hoc Supremo Auditorio in contemporanea Decisione declaratum pro valido, & legitimo.

Nec subsistit responsio data in contraria Decisione §. *Nec iuuante replicatione*, quòd scilicet cum titulus dictæ exemptionis non respiciat generalem exemptionem omnium bonorum à Monasterio acquirendorum, sed pro sola rata valoris Merapetitorum 25. mil., visum fuit Dominis incongruum exemptionem extendere ad conspicuam quantitatem bonorum modernis temporibus acquisitam; Quia faciliter satisfacimus obiecto, nam nunquam Moniales habuerunt prætensionem dictam exemptionem extendere ad omnia conspicua Tenimenta, cum earum exceptio semper in omnibus instantijs restricta fuit ad illa modica Tenimenta, quæ proprijs expensis colebant, nam maiorem partem dictorum Tenimentorum semper, & continuata annorum serie locarunt, vt Reuerendissimi Aduersarij Decimam exigent, prout exegerunt, quòdque minimam dictorum Tenimentorum partem ex dictis conspicuis Tenimentis colere proprijs expensis consueuerunt liquet, quòd ex tresdecim Tenutis, quæ possident in loco de Oleas, quarum quælibet constituitur ex 40. fanegis, vnā dumtaxat colere consueuerunt proprijs expensis, & ex ea dumtaxat Decimam non soluebant, alios verò duodecim semper locarunt, & ex illis Decima soluta fuit, vt deposuerunt quatuor Testes nostro Summario principali num. 3. lit. KK. litt. GGG., & litt. EEEE., & Summario Additionali num. primo litt. G. sic quoque nostrum Monasterium in Valle S. Dominici, Magan Xerendotæ, & Alcabon possidet conspicuas Tenutas, quas semper locauit, & ex illis semper proprijs sumptibus, & solum in Territorijs d.d. locorum proprijs sumptibus, & expensis coluit Oliueta, ex quibus dumtaxat prætendit Monasterium exemptionem, & quemadmodum congruum non est dictam exemptionem limitatam non extendere ad d.d. conspicua Tenimenta, prout Moniales dictam extensionem nunquam prætenderunt, ita videtur magis incongruum non concedere Monialibus exemptionem ex fructibus tot bonorum, quæ constituunt valorem 25.mil.

25. mil. Merapetitorum, cum vsque ad d. summam titulus est clarus, & irrefragabilis, & pro dicta summa contenta in dicta concessione non potest Monialibus exemptio denegari.

Hinc corrumpunt fundamenta contrariæ Decisionis in §. *Validitas, & sequentibus*, quod scilicet Moniales non doceant de immemorabili, neque de quadragenaria cum titulo, quæ debet à Monialibus, qui in præscriptione innituntur plenè probati.

Et enim in præsentī, & in hac Instantia, in qua Pars aduersa gratiam fecit Monialibus producendi titulum exemptionis in limine foundationis Monasterij concessum, vnde quaque validum, & legitimum tamquam datum iuxta Canonicas sanctiones ex legitima Causa, & de consensu Capituli, non indigemus rigorosa probatione immemorabilis, aut quadragenaria cum titulo colorato, sed nobis sufficit ostendere dicti tituli obseruantiam, & executionem, & non est dubium, quod ad formam dicti Tituli Moniales debent esse exemptæ à solutione Decimarum vsque ad valorem viginti quinque mille Merapetitorum, cumque ab hoc Supremo Auditorio declarata fuit Tenuta de Perobezque in limine foundationis æstimata 12. m. Merapetinis oportet vt ad formam dicti tituli declarentur Moniales exemptæ à solutione Decimarum ex fructibus tot bonorum, quæ ascendunt ad valorem 25. m. Merapetitorum, quia ad formā d. tituli Moniales debent esse exemptæ ex tot bonis, quæ d. summam attingant, vt superius est probatum.

Et non solum habemus titulum clarum, & legitimum, sed etiam continuatam illius obseruantiam à prima concessione, vsque ad præsens, & sic spatio fere 400. annorum, dum Moniales ad formam d. personalis exemptionis nunquam Decimas persoluerunt ex fructibus bonorum, quæ proprijs expensis coluerunt, quæ non videntur excedere dictam summam 25. m. Merapetitorum, & si Reuerendissimi Aduersarij prætendunt, quod dd. bona semper culta expensis Monasterij, ex quibus nunquam Decimam persoluit oportet probare quod valor illorum dictam summam excedat, sine qua probatione Moniales debent à solutione Decimarum absolui.

Hinc frustratorium est assumere examen fundamentorum contrariæ decisionis, quæ conatur ostendere, quod ex depositionibus Testium examinatorum anno 1702. non elicitur perfecta probatio Immemorabilis cum omnibus suis requisitis, supponendo, quod vnum requisitum desumatur ex depositione vnius, vel alterius Testis, aliud ex depositione alterius, & sic de singulis, nam vitra quod id facile dilui potest, cum ex Testibus examinatis anno 1702. nos feligimus quatuor Testes, qui dantur in *Summario principali num. 3.*, qui cum omnibus requisitis deposuerunt, & alij duo Testes, qui pariter cū omnibus requisitis Immemorabilis deposuerunt, qui dantur in *Summario Additionali num. 2., & 3.*, dicimus negari saltem non

non posset omnes Testes deposuisse de exemptione Monialium limitata ad Prædia, quæ proprijs expensis coluerunt, de visu ultra annos 40., de auditu à maioribus, qui idem dicere audiuerant ab alijs maioribus, & per consequens deposuerunt de obseruantia dictæ limitatæ, & personalis exemptionis, ex qua quidem tam longæua dicti tituli obseruantia magis validitas dicti tituli remanet confirmata.

Eadem ratione consultò omittimus respondere alijs obiectis contrariæ decisionis, quæ concernunt vel defectum requisitorum consuetudinis Immemorabilis, vel defectum requisitorum quadragenarij cum titulo, qui licet ocularitèr ex Testium depositionibus demonstrari posset in factò, non subsistere, adhuc esset labor inutilis, nam supposita validitate tituli, illiusque inconcussa obseruantia, tribui debet Monialibus exemptio à solutione Decimarum, quæ suis sumptibus colunt vsque ad summam 25. m. Merapetinorum: Et quousque Actores, qui dictum titulum compulsarunt, & producerunt, non ostendant, & probent, quod Prædia coli consueuerunt per Moniales proprijs expensis, ex quibus nunquam Decimam persoluerunt, excedant d. summam 25. m. Merapetinorum, semper Monialibus concedenda est absolutoria.

Ad vero ad decisionem super manutentione edè facilius est concedenda noua Audientia, quia iniustitia Decisionis quoad manutentionem est magis conspicua, cum enim Moniales sint, & fuerint spatij tot annorum in quasi possessione non soluendi Decimas ex fructibus bonorum, quæ proprijs expensis colere semper consueuerunt, & Pars aduersa produxerit titulum, qui Monialibus concessa fuit exemptio à solutione Decimarum ex fructibus tot bonorum, quæ ascenderent ad summam 25. m. Merapetinorum, utique concedenda erat Monialibus manutentio in quasi possessione donèc, & quousque Reuerendissimi Aduersarij probauerint, quod bona coli consueuerunt expensis Monasterij summam in concessione exemptionis contentam excedant, ex quibus speramus Monialibus nouam Audientiam esse ex benignitate huius Supremi Tgibunalis indulgentiam, vt supplicatur.

Quare &c.

Vitus Angelus Caualletti.

[Faint, illegible text, likely bleed-through from the reverse side of the page.]

Vineyard Catalogue

1780

FALCONER

Tolson

...

...

...

...

...

...

...

...

Rmo P. D.

FALCONERIO

Toletana Decimarum super bono Iure

P R O

Ven. Monasterio Monialium Clauforum

Ord. S. Dominici Ciuitatis Toleti.

C O N T R A

Illmos DD. Archiepiscopum, & Capitulum Toletanum.

*Memoriale pro noua Audientia
super utroque Dubio.*

✱ Typis Zinghi, & Monaldi 724